

1318

MISCELLANEE

B

BIBLIOTECA NAZIONALE

STORICO E MANUSCRITTI

ROMA

OLD BOOKS
G







XXI
AD. AMPLISSIMVM.

CARDINALEM. DE. RVVERE.

ORATIO

DE. REP. ORDINANDA.

D. Seraphini . Ghirardi . Can. Reg. S. Petri.
ad . Vincula.

ROMAE : habita . Idib. Maij.
∞. D. LXXXIIX.



Οὐδὲν Βιβλιοθηκον.

R O M A E

Apud Haeredes Antonij Bladij Typographos Camerales.

M. D. LXXXIIX.

Superiorum Permissu.

AMPLISSIMO. S. R. E.

CARDINALI. HIERONYMO.

DE. RVVERE.

SERAPHINVS. GHIRARDVS. CLIENS.

in *deutero*.

PARVOS parua decent, Illustrissime Princeps; & in parvis quies. magna splendorem habent, sed cura curam trahit. animus enim occupationibus implicatus grauioribus, & quasi constrictus, distrahitur varietate ipsa rerum, & ancipiti cura cogitandi. quare, cum se aliqua ex molestia emeruisse credit, & laetatur; tum vero, aut eadem rursus obruitur, aut alia inexpectata & repentina, deinde alia atque alia. ita fit, vt, cum neutrum genus hominum id assequatur, quod est omnibus partibus absolutum & perfectum: sit tamen eiusmodi quiddam in vtrisque, in quo alteri alteris non inuideant. quae si firma satis duo sunt; vt mihi est persuasum; nec inferioris generis homines poenitere suae debet conditionis; & clarissimi è contrario excellentissimiq. viri, suis interim se libenter finibus amplissimis continebunt. quod si quando tempus inciderit, vt, illis offerant aliquid, grati ani-

ti animi sui declarandi gratia, tenuiores: non, quid
detur; summi viri spectabunt; sed, in re parua, la-
tere vim posse magnam amoris considerabunt. in
donis amorem autem paruipendi non solere; nisi
qui neminem amat; negat nemo; vnde vnde pro-
ficiscatur. quamobrem, nec ille Xerxes oblatum à
rustico pomum, rem puerilem, est aspernatus;
quòd cerneret, eius cortice, vir prudens, nescio
quid occultari, pomo longè praestantius, dignum
rege. Haec longius ducta quò euadant, faciam pau-
cis; vt intelligas: scripsi de rep. ordinanda nuper
orationem, quomodo potui. cam, cuperem, no-
mine insignitam tuo, legi, efferri foras, in manus
hominum peruenire. at, quae ratio me eò perdu-
cat, praeter eam quam dixi, non dispicio. esset e-
nim omnino (nisi planè sum plumbeus) aut de re
mihi dicendum, aut de persona: vtrumuis sum-
psero, aqua haeret: & nihil est tertium. quid igitur?
ornem illam ipse? consonum non videtur: &
vt habeat laudem, aquila non capit muscas. de au-
ctore idem iudicium; vtpote in quo neque inge-
nium admiror, neque doctrinam; neque elegan-
tiam. ita erit coniunctum ab vtroque silentium.
Tu ergo restas vnus, cum aliunde nihil succedat;
nobilissime Princeps, ad quem postremo conuer-
tam orationem. id vero auget rei multò etiam ma-
gis difficultatem. nam, ne principium inueniam;
vires exiguae meae, ne finem, atque exitum; tuas
sunt

sunt illustres & plurimae virtutes impedimento,
itaque totam etiam hanc partem non inuitus relin-
quam: ob eam quidem causam iustissimam, & ve-
rissimam, quod, de rebus meis, tenuitas; de tuis,
ne dicam, nimia faciat amplitudo earum atque
magnificentia. Qui sis tu, quo patre, auo, ma-
ioribus: qua emineas origine stirpis, quam insigni,
quam vetusta: quos item ortus habeas, incremen-
ta, gradus tum virtutis, tum commendationis ad
hominum famam nobilitatis; eaque ipsa, quam
incorrupte usque ad hoc tempus continuata per-
manserit: & Roma frequentia sua conatur osteti-
dere; & illi explicabunt scriptores copiosissime, qui
Summos Pont. vestros, qui Cardinales octo, qui
sex Urbini admirabiles Duces recensuerunt: non e-
go, cui est propositum, & vero esse debet; episto-
lam texere, non scribere historiam. meum illud
praecipuum fuerit munus, cum obseruare, reue-
reri, beatissimum velle, in re sacra meminisse vi-
rum, qui à paruis, qui vir inter viros, qui hoc
flexu aetatis; ad pietatem omnia, ad rationem iu-
uandi, ad ingenij quasi culturam, ad posteritatis
immortalitatem reuocarit; secutus gentilium suo-
rum pulcherrima, ut res loquitur, & confessione
omnium, antiquissima instituta. adde, cui tantum
ipse priuatim debeo; quantum, qui antè opinione
multorum sepultus; eo primùm vocante, & in-
stante, & clamante, reuixerit. sic igitur faciam:
quamq.

quamq. semel mea voluntate suscepi mentem Ve-
netijs, in ea manebo, tibi vt sim probatus, & persi-
stam. & quando ita accidit, vt, apellatione sua
glandes, fructus omnes comprahenderent: quo-
rum, hos in Canonicos, vberem copiam transfu-
derunt: non aliam (nos certè) vnquam *σπυ̃ βαλα-
νισμῶ*, dum vita erit, non aliam arborem excutie-
mus. Interea, ne hospitio excludatur hæc oratio
mea, oro te, per hunc tuum sensum excellentem
humanitatis, tributum pauis à natura, tibi paren-
te, multis nouerca. rem ne spectes, rogo, te in-
dignam, vulgarem, leuissimam: sed, cum parua
paruis apta sint, pro certo crede, me, patrono
meo maiora quaerentem, quod potuerim munus,
de meis bonis, beneuolo animo confecisse. Tu me
inuicem vt ames, non postulo: vt diligas, fortasse.
si esse de tuis aliquem patieris, gratissimum erit.
Valè. Deus tibi quod superest. Romae, ex aedi-
bus tuis S. Petri ad Vincula, ineunte Maio. 1588.

[Faint, illegible text, likely bleed-through from the reverse side of the page.]

ORATIO



ANDEM aliquando, P.C.faufus
ille optatusque dies illuxit, praepotentis DEI munere fingulari
ac voluntate; cum vos in Vrbem
omnes vfitato more conuocati,
Pontifici Maximo praefentes o-
ftenderetis, quantum, in huius
ordinis confilio efferet veteris inno-

centiae; quantum, fecundo loco etiam interioris eru-
ditionis. quo à vobis vtroque, vt apparet, honorifice de-
monftrato: & patuit Romanis hominibus veftra virtus
atque induftria; & integrum fuit optimo cuique praeterea
constantiffimoq. ciui, remp. fuo priftino more defen-
dere. ac mihi quidem minime dubium erat, fingulis propè
horis, veftra de fide & prudentia cogitanti; quin, ad
eum exitum comitia perducerentur noftra, quem habue-
runt: fed, fi cafu forte accidiffet, vt, contrà quàm voluiffetis,
ab religione officij declinatum fuiffet; quod fecus
humanis in rebus vix effer potefte: ingenuè confitebor,
ne quid interea caperet detrimenti fumma refp. perti-
mefcebam. qui quoniam metus inanis fuit, laetor hoc
tanto bono mirandum in modum, incredibilemq. ea de
cauffa percipio, vnà cum his; quos libenter intueor, am-
pliffimis viris, itemq. sapientiffimis, voluptatem. ne-
gari enim potefte nullo pacto; Illuftriffimi Principes, eo-
rum effer magnam in vita communi habitam laudem fem-
per atque praefantem; qui, quauis in procuratione mu-
neris publici fic omnia temperarent, vt, nec prima ex-
tremis, & medijs; nec ifta, rurfum, immoderata, repu-
gnarent

ignarent illis vtriusque superioribus. quod si hoc ferret re-
rum humanarum conditio fluxa nimium & incerta, vt,
quod quisque est excellens aliquo in genere laudis con-
fecutus, id suum esset perpetuo ac proprium; nae ego
vobis, Patres, quam feci, libentius multò in praesens,
& vehementius gratularer. quis enim omnium non cer-
nit, atque adeò expertus est, acquirendi persaepe viam
proponi hominibus planam & stabilem; conseruandi, ex
aduerso, praecipitem ferè semper eandem, & lubricam?
quòd etiam acius in eo enigilabunt curae & cogitationes
vestrae; ne, ea praeclearè quae decreuistis ad communem
utilitatem, suam amittant vim, suum pondus, consequen-
tibus annis. etenim, quid profuerit, quid etiam habue-
rit dignitatis; optimis videre atque gratissimis informa-
tam remp. legibus: si haec ipsa bene, iustè, gloriosè viuen-
di praecepta; cum egregia, tum saluberrima, aut licentia
despiciantur? aut negligentia obsolescant? aut improbi-
tate peruertantur? ego quidem, quod hominis Christia-
ni est, verissima fide, ipè, charitate imbuti; quae impro-
banda sint, quae persequenda; cum exposuero vobis, his
audientibus Ecclesiae firmamentis: nec rem suscepero
non dignissimam cognitione, non utilissimam, non hoc
tempore necessariam; & officio me simul arbitrabor cu-
mulatè meo satisfecisse. itaque dicam non grauatè hodie
no die, vnde mihi placeat exoriri, quoq. modo ordinan-
dam ego putem eam remp. quae sit immortalis futura
atque aeterna; nullumq. sensura interitum alium & de-
casum, nisi eum ipsum vltimis saeculis; quem haec scilicet
etiam subiecta oculis rerum caducarum natura. Ac
mihi sanè tota haec ratio videtur duabus potissimum re-
bus contineri. vna est, eximia omnium nostrum in Deum
pietas: altera, par integritas eius viri, quem esse reliqui
ciues in hac familia voluerint ante alios, clarissimum &
praestantissimum. Vnde enim potius, obsecro, duci oportet

teat aedificandae quodam modo reip. initium, quàm à
 pietate ipsa Christiana, honestissimae cuiusque actionis
 fundamento; & eadem insuper, summa cumuloque virtu-
 tum? hanc sicut Dei bonitate nobis oblatam, quem nul-
 lus error attingit, persuasum habent, rectè de fide qui sen-
 tiunt, nostrae causâ salutis; non inuentam hominum ar-
 tificio: sic illa, nec vi infringetur vlla externa, nec dissol-
 uetur pestiferae doctrinae telis venenatis, nec venire, po-
 test in obliuionem immensitate saeculorum. quare, cum
 nullum sit nomen penitus, praeterquam Christi Iesu, vn-
 de sperare liceat salutem hominibus, aeternaeq. vit aedo-
 micilium: ipse autem idem Christus in crucem actus,
 Ecclesiam Catholicam aedificarit; profectò quidquid
 imposueris aliud huic aedificio, si minus nitatur hoc so-
 lo; vndeunque illud acceptum fuerit, labatur prope-
 diem, & corruat, necesse est. Enimuero si fortissimi olim
 peritissimiq. duces, non nisi facto sacrificio, ac numinis
 penè explorata voluntate, ibant in praelium: fuisseq.
 in vsu poëtis cognoscimus vetustissimis, nullum vt poë-
 ma inchoarent, Musarum non antè implorata ope, quas
 illi diuinitate donauerant; quo flagrare nos religionis ar-
 dore aequum fuerit, sapienter qui, non poëtice colimus,
 pro fictis octo Musis, expressa octo genera beatitatis?
 pro tribus Gratijs, tres insignes illas virtutes, Fidei an-
 nexam Spei, Charitatem? pro ridiculo Apolline, splen-
 didissimum solem Christum, & lucem mundi; & inaccessi-
 sam lucem incoherentem, & candidissimo huic Phoebò,
 terrarum peragranti orbem & collustranti, tum lucem
 perennem, tum calorem suppeditantem? quos, in sum-
 ma, rectam fidem sequentes, discrepare, ne tenuissimis
 in rebus quidem ab optimis conueniat, & sanctissimis
 cogitationibus? hoc intellecto & stabilito, erit illud prin-
 cipio arctissime tenendum; nobis, non ea modo ample-
 ctenda, constantissimeq. tum credenda, tum vero etiam

defendenda; quae credit, docet, tradit illustrata diuinitus
& erudita Romana Ecclesia, reliquarum omnium prin-
ceps: verum, cum quoque dies noctesq. persolgendum
humani generis procreatori Deo cultum, qui potest no-
strarum proficisci ex mentium penetralibus, purissimus,
castissimus, innocentissimus. hoc pueris praeceptum est;
hoc viris, hoc senibus: nemo non valet diuinas laudes;
diuina beneficia meminisse, recolere, celebrare: nulla Dei
regno imbecilla aetas. neque non iccirco vehementer
est formidandum, ne caelestis in nos ira grauius propte-
rea concitetur, si quid negligentius in hac re forsitan com-
missum fuerit, aut praetermissum à nobis: quandoqui-
dem adepti multa iam pridem sumus ob eam causam, &
coenobia, & praedia, & commoda non mediocria vitae
lautioris. hic esse nostrae debet gloriae campus: hinc li-
cet sibi quisque conficiat, ut vult, declamationes, enco-
mia, panegyricos. ad hanc quidem egregiam operam ac-
cendere nos multa debent, atque adeò impellere: in pri-
mis autem scriptorum excellentia & maiestas diuino-
rum. est ne, quaeso, antiquissimis è regum, populo-
rumve monumentis res gestas proferre in apertum; tam
celebres, amplas, magnificas; quàm, quae sacris in libris
nostrorum traduntur? explicantur? comprehensae sunt?
in illis, omnia redolent superbiam, inuidiam, fraudes, im-
pietatem: in his, nihil non amabile, sincerum, tempera-
tum, religiosum. illa, cum virtute coniuncta vitia non rã-
rò docent: haec, & veras virtutes tradunt, & absterrent
à minimis etiam leuissimisq. erratis. illa, semel atque ite-
rum lecta afficiunt molestia lectorem: nostra, longè se-
cus; quò saepius, quò attentius legis; hòc audius legis,
hòc iucundius legis, hòc maiore cum vtilitate legis. quid
mirum autem? haec, caelesti spiritu dictante, parata, in-
uenta, propagata: illa, humano ingenio, & eo plerunque
studio partium deprauato, coepta, perfecta, conscripta
sunt

sunt. quem igitur moueat Persarum illa colluuiès ; cum
Xerse in Graeciam irrumpentium ; qui animum conuer-
tat suum parumper ad Mosen, innumerabilem Hebræo-
rum multitudinem mare immensum trajicientem & nullis
nauibus & nullo ponte & terrestri itinere & iam, quorsum
mihi à tenera ætate in Christianam militiam recepto, Ro-
manorum bella, rùm hic in Italia administrata fortissi-
mè, rùm in Gallia, Hispania, Macedonia & quid porro
sacris initiato, quid Christiano flamine, bellica instrumen-
ta? ordines militares? deletæ vrbes fortunatissimæ? du-
cti clarissimi reges in triumpho & quantò nostrorum au-
tem coronæ sunt Martyrum atque victoriæ præstabi-
liores, certioresq. ad præmia, ad veram pacem, ad im-
mortalitatem beatissimæ vitæ & placidissimæ quietis,
ac sempiternæ & hæc nimirum illa fuit victoria, quæ vi-
cit hunc mundum & profligauit, fides nostra : cum, iner-
mibus armati succubuerunt, cedentibus insequentes, pri-
uatis hominibus potentissimi. Reges, ac Principes. Quo-
rum excellentes virtutes planeq. admirabiles, & cæle-
stes; itemq. nobilissima, necnon celeberrima præconia,
cum mihi scatis horis proponat ad imitandum Christi Ec-
clesiæ, in singulos dies, cupidissima salutis meæ; quos
ego alios quaeram Scipiones amplius, aut Marcellos, &
Fabios? vel Annibales, & Alexandros? Quæ igitur sunt
Ecclesiæ, quæ religionis, quæ pietatis; ea si & augustè
veneremur, & studiosissimè obsecramus alacri laetoq. ani-
mo; in eam spem certam prorsusq. exploratam adducor,
vt, quo statu maximè vellemus esse res nostras, eodem
conseruentur in infinitam posteritatem : neve vllò tem-
pore quidquam ingrediatur in hanc familiam, quod pos-
sit conuellere veram fidem, aut etiam labefactare, ve-
ramq. sanctitatem, non solet. Deus, quos domi suæ ob-
seruat quotidie sibi operam nauare, in postremis habe-
re, non solet. Deus: cuius auxilio certo, rerum natura
plus

plus multò, nedum exigua familia, quàm humano consilio gubernatur. sit ergo P. integerrimi, nostris in ciuibus cura longè antiquissima, studium, scientia rerum superarum; vbi pax, vbi opes, vbi laetitia, vbi à philosophis tantopere exagitata, eaquẽ tam certa, quàm vera, & perfectã, faelicitas. Sed ita placet sacris precationibus vacare & adhaerescere, vt à voce, ac verbis nec animus aberret languens & eneruatus, nec vita inòresq. dissentiant. quocircà hominem bene doctum, & male moratum; & eruditum fatebor, & sapientem negabo: neq; Christi seruum arbitror eundem, & vitiorum mancipium. quis enim, viam, qua in caelum ascenditur, nosse; non in eã pedem ponere; sapientis duxit. nec vero, si milites persuncti laboribus iustam vacationem habent à bello: ita qui se à pueritia mundi opifici Deo manciparunt, cum, ætate sunt deuexa ad otium & præcipitata, subterfugere militiam debent, cui nomen dederunt: quia immò, remis, vt dicitur, velisq. contendendum cuique fuerit, omninq. ratione connitendum, vt delectatio quasi vsus induat, vsus habitum, iste naturam: ne, pulchre coëpisse, & in incoepto non permansisse conuincatur. quis virginem in pictura laudet, magna præditam dignitate, desinentem in piscem & exploderetur, & meritisimò, ille profecto athleta, conuitio totius theatri; qui, nullo se in certamine cum exercuisset, nullos exantlasset labores, numquam in solem processisset; tamen coronari vellet, citra puluerem, citra sudorem: an verò studia leuiora ardua erunt, indiguerint quotidiana exercitatione; non patiatur vim magnam regnum caelorum? non antè quisquam, clarissima voce dico; hoc duce, his hostibus; pugnandi, exeuhandi, militandi finem facit, quàm spiritum exhalarit: quæ enim, victoria caret metu? quando non illi sunt ad nocendum paratissimi? quod autem fuit tempus, post conditum hominũ genus, cum,

temperantiam non pulsaret luxuria? sui contemptionem,
ambitio? patientiam offensiones? bonitatem malitia ge-
neratim? itaque una hora, momentoq. prorsus eodem,
& vitam, & castra deserimus: quod cum ita sit, P. C.
dum bellum est; dum sumus in armis, nonis indies prae-
sidijs, ijsq. firmissimis, & gladijs, & vigilijs communia-
mus mentis arcem & conscientiae: caueamusq. in bello
tam periculoso, diurno, insidioso praesertim, ne quan-
do nos imparatos aut imperator offendat, aut hostis ado-
riatur: acerbum hoc omnino videatur & laboriosum de-
licatis hominibus, ac perdifficile; in vino & culcitra cae-
lum quaerentibus: facillimum idem & iucundissimum
eis tamen, leges qui nostras optimas & salutare maxime
conseruarint. Quarum si auctoritate, si praescripto, si
imperio regitur honestissima haec virorum societas an-
nis ferè ducentis: cum lex nihil aliud sit, quàm mutus
magistratus; ipse autem vicissim magistratus, lex voce
praedita & loquens; nemini, opinor, relinquitur dubium,
quin hae partes, haec prouincia hominis eius futura sit
praecipue, cui apud nos mandatus erit annuis comitijs
altissimus & amplissimus honoris gradus. de quo tempus
iam postulare videtur, vt dicam. Versatur ille profecto
difficili scopulosoq. loco, eo siquidem statu rationes eius
sitae sunt & fortunae, vbi, neque remissus esse honestè
possit, nec seuerus sine periculo: vbi, comitas aperta est,
inuidia occulta: vbi, veritas infrequens, assentatio fami-
liaris; ac si gubernandi molestias, pericula, difficultatem,
in se descendentes mortales contemplarentur intentis
oculis; nihil fortasse cuperent minus: cuperent dixi &
immo exhorrescerent nihil, existimo, aut refugerent ma-
gis; quàm regere, quàm imperare. quid est enim regnum
ipsum, per Deum immortalem, nisi splendida quaedam
seruitus? equidem viuit, quod sciam, nemo vsque adeò ini-
micus orij, ita ingenio auerso à consensu naturae, à com-
muni

muni animantium instinctu, quem non vitae securitas delectet, quies interdum, pax, tranquillitas mentis. omnes namque & fugimus sollicitudines, & bene audire cupimus, & laeti viuere, & latere nostra vitia, nostras labe, domestica vulnere. quorum si ne umbram quidem omnium dixerò, in amplo magistratu reperiri, esse posse; verendum, credo, mihi erit, ne non statim fidem inueniat oratio mea. à quo enim potest eius animus, vita, cogitatio, abesse metu, periculo, angore; cui onus incumbat vni molestissimum circumspectendi reip. singulas partes? qui sit futurus magna & copiosa in familia, omnis homo? qui ea cura perpetua vrgeatur, vt praesentibus insistant, futura prouideat; colat aequitatem, innocentiam defendat; prospiciat alijs, consulat sibi; anteponat, & donis, & amicis, & verborum terroribus, legum sacrosanctam maiestatem? quas ille principio commendatissimas habebit, qui amplissimè dominabitur; si hoc sibi proposuerit (debet quidem certè) vt ciues sui sint quàm beatissimi. quae eius ne incidatur sanctissima deliberatio, deuinciet se prius ipsum, propeq. constrinxerit seuerissima lege continentiae, officij, charitatis, mansuetudinis. ferunt homines nihil acerbius, nihil peius oderunt, aut apertius, quàm, alienos mores corrigentem eum, qui humano modo ipse transiliat lineas; qui numquam ipsemet sibi praeciderit istam licentiam libertatemq. viuendi. nam, rectè facere ciues suos Princeps optimus, faciendo docet; cumq. imperio sit maximus, longè tamen esse potentior exemplo; & excellentior debet. Hi sunt illi videlicet populi, quos graeci etiam poëtae indicant suis carminibus; quamuis obscurè; clarissimè autem & apertissimè oracula sacra nobis & vaticinia prodiderunt. hos voluit Deus singulis aetatibus, hos quaesuit, partim in veteri lege, per prophetas, tamquam per legatos; partim in euangelio, per apostolos primum, ac deinde per
alios

alios veros & graues nuncios consiliorum suorum, atque
interpretēs tales dominationis suae vicarios, & aemu-
latores, & amauit, & requisit quouis tempore, & in-
struxit hominum: sator & parens; qui dissipata collige-
rent, consumpta replerent, deprauata restituerent, con-
fusa in ordinem adducerent; qui, de alio interrogati, de
caepis non responderent; qui colerent virtutem, bonos
ornarent, facerent plurimi; rapacium & perditorum re-
primerent impetus, frangerent audaciam: non quos illu-
stris gratia, quos honoris ventus, quos popularis aura de-
mentasset; ac multò eos minus, qui pecunijs conficiendis
incubarent, qui publicam rem priuatum patrimonium
ducerent; eamq. pertenuem expilarent, labantem con-
cutterent, cruentam & exsanguem dilacerarent. ò duram
gerendae potestatis conditionem: ò mortalium vitam pa-
riter calamitosam: qui, si pareant, serui; si imperent, sint
infelices. sed mihi esse properandum intelligo: quae su-
perant pauca videamus. Atenim quoniam hanc accepi-
mus à maioribus vitae ita constitutam communitatem,
vt, non vni eam commiserint, sed pluribus; dabit operam
strenuè is qui ad puppim conscenderit, ne sui sint dissimi-
les illi, quos ei vos dederitis vestris suffragijs, honoris
adiutores, suorumq. participes consiliorum & admini-
stros. Ac tum demum hi nostri Quinqueuiri, eodem inci-
tati, pariq. ardore charitatis, suas ad cogitationes Deum
eum adhibuerint, rem cõmunem communi studio, com-
muni amore defendent: nullas putabunt firmiores opes,
maiorẽ potentiam recta conscientia, summaq. obserua-
tione legumstrarum. vt enim vita hominum sanguine
continetur per totum corpus distributo, seseq. diffunden-
te; sic ciuitates, populi, resp. legibus consistunt, vnicuique
personae, tempori, negotio accommodatis. quapropter
hoc initio prouidebunt, vt impositae nobis leges, ma-
gno in honore sint. quas qui grauius violarint, casue ad

Car. oesual.
Card. de Ru
uers.

euerendas quasi machinas compararint; sentiant; esse
hoc in confessu Patrum, seueros magistratus; sentiant;
quamuis omnis malus sit paena sibi; esse paratas. paenas
iustas & debitas otio, insolentiae, improbitati; sentiant;
in ignauos, in profligatos, in hostes pacis seuerè & acer-
bè vindicari. at inimicitias suscipiam multorum, nec in-
uidiam sustinebo. Christianam qui fortitudinem perdidit-
cerint, ita se gerent, ita se tractabunt in magistratu, vt con-
suecant, ciues alijs insensos coercere, sibi iratos contem-
nere. cognoscant vero aeque viri boni, ipsiq. corpori-
bus praesentes & animis, nostri patròni, nostri clypei;
bonae rationi, & constanti, & graui aliquem à vobis fru-
ctum esse propositum; tulisseq. hanc familiam saepe an-
tea homines, atque etiam nunc ferre, plus veritatis aman-
tes, quàm patriae; carius honestam sententiam, quàm
inueratam amicitiam aestimantes. his in rebus, stu-
dijs, occupationibus quandiu modum tenebimus, tandiù
remp. tenebimus, tandiù Christiana pace perfruemur;
quam hic mundus nunquam dedit, quia nunquam ha-
buit; tandiù viuemus veteribus institutis, nec onerabi-
mus hoc nostrum nouis legibus collegium, sed virtutibus
augebimus, & hominum copia lectissimorum. Quò mihi
tot leges? tam multa edicta? quid habent vtilitatis verò
acerui decretorum, si ipse voluerit habere vim legis ma-
gistratus? multum vidit Plato, cum ita scripsit; breui eam
ciuitatem perituram, in qua iuberet magistratus, leges
obtemperarent. illud modo stet nobis, P. ornatissimi, nec
moueatur, leges vt nostrae Romanis à Pontificibus con-
firmatae retineant auctoritatem suam. illa tum continuò
prima sit lex; haec obseruetur, custodiatur, in fronte de-
nique sit inscripta magistratus & Principis, ne quid ipse
faciat per avaritiam, ne quid per ambitionem, ne quid
per occultum odium; nihil astutè moliatùr, nihil super-
bè, nihil fraudulenter: ne sibi muniat viam ad inuidiosam
poten-

potentiam, ne deferat communes rationes, ne priuatas iniurias persequatur. Non ista quidem cadunt in quenquam è nostris; sed à me eò dicuntur, ne se in futurum insinuent in animos Patrum, ad charitatem eruditos, ad prudentiam, ad exercitationem vitae caelestis; ne cui aditus aperiatur grauiori vitio in hac familia. id enim agitur, id quaeritur, quidquid abhorret à regula virtutis, id patria ne suscipiat. atqui, patriam meam, hanc numero; huius me patrio iure & more ciuem profiteor, anni sunt ipsi vnus & triginta. sed multi labuntur errore, neque adhuc videntur satis, germana quae sit patria, didicisse. diligimus patriam, dicunt: optimè. defendimus: honesta oratio. sed quam, amabo, hic patriam intelligimus? cuiusque ne locum nascendi ac sedem? si hoc volunt, & ego consentio. quid enim dulcius amore patriae, natali solo? paruam insulam, Ithacam, & ignobilem, Vlysses ponebat ante immortalitatem. cur? quia patria erat, quia lar familiaris, terra parens. pleni sunt libri, referta historia exemplis; de amore, de charitate patriae. dulces; inquit summus poëta, & decorum est, pro patria mori. sed non sumus in eo; neque nunc pugnatur pro aris & focis. omnia sunt in Italia: tuta, pacata, tranquilla. SIXTI V. praestantissima sapientia, sapientissimo consilio: nihil timetur foris, nullus est Annibal ad portas, in praesenti. patria, ista, nostra est; quae nos aluit, educauit, texit, multisq. ac magnis bonis cumulauit: etsi, quid nos de patria, peregrini? veruntamen (quoniam hoc verbo magnopere delectamur) nostram ego hanc altricem agnosco, qua continemur, in qua viuimus, cuius benignitate sustentamur. eius Gregorius XII. iecit fundamenta: iunxit Rhenanis Martinus V. Columna; is, qui vnus à Christo nato, Constantiensi in Concilio, Pont. Max. est creatus à patribus. his gaudet illa primordijs; his initijs hoc tantum aedificium excitatum est: haec ostendat. identri-

Gregorius,
à greco,
Χρυσοστόμῳ, vi
gilare.

dem argumenta duo & signa grauissima stabilitatis, co-
lumnarum, & vigilantiam. eam diuersis temporibus pleri-
que deinde auxerunt subsecuti Pontifices. sed viri maxi-
mè illam de Ruere adiuuerunt, & sæpe aliàs insigniter,
& in proximo, iactatam in alto fluctibus, atque pericli-
tantem; quam, & olim eandem tutela continuata, ab ino-
pia in copiam, ab infima fortuna in excellentem, ex hu-
mili obscuroq. loco, in excelsum & clarissimum transtu-
lerunt. quid multa? nihil est boni, nihil exquisiti, quod
illi non ab initio nobis voluerint, cogitarint, effecerint.
Te nunc alloquor Sixte IIII. vnde ad nos octo monaste-
ria, eaq. honestissima paucis annis emanarunt. Te cinis,
te iterum sanctissime cinis voco potissimum, voce quan-
ta possum maxima, vosq. ossa nominatim Iulij II. quae
hoc ipso in sepulcro condita iacetis religiosissimo, certis-
simi testes atque sempiterni, inauditi amoris in nos eius
viri, eius diuini Pontificis, qui parum se de his Canoni-
cis laborasse praesentem arbitrabatur, nisi eos ipsos e-
tiam proficiscens honorasset, absens protexisset, mortuus
illustrasset. quem si propterea diuinitus meritum de hoc
Ordine, quoties caelum suspicimus, quoties hunc spiri-
tum ducimus, gratis lacrymis Deo toties commendare-
mus; non modo non satis meritis faceremus innumerabi-
libus in amore constantissimi hominis, natiq. ad singula-
rem quandam beneficentiam: ne digitos quidem, vt di-
citur, ad eius fontes beneficiorum intenderemus. quod
si ambo isti Pont. quantum in alios omnes de bonis Ec-
clesiae deriuarunt, suam tantundem priuatim in familiam
conuertissent; haud essent in Vrbe, reor, hoc tempore,
eorum sanguine creati praeclarissimi viri, hospites iam-
pridem domi suae: quod aduertere iudicij fuerit, dole-
re pietatis, meliora precari beneuolentiae. Hanc igitur si
cuncti veram patriam aeque diligeremus, si ex animo, si
verissimè, si more maiorum saluam desideraremus, flo-
rentem

rentem & fortunatam: nec tam cito ipsa contingebus
incommodis debilitata consenuisset; & is, quem libenter
nomino, SIXTUS V. Pont. Max. & ante cum Pius V. ma-
iora in dies in illam ornamenta congestissent: de caeteris
quid prohibet idem existimare? atque ita, quisquis re-
xisset Ecclesiam, nostris aduentibus propugnatoribus,
multi haecenus ex hoc collegio, publicis honoribus, ipsa
florante rep. florissent. haec, inquam, liberalis parens,
nos quae rudēs, pueros, inutiles excepit, vestiuit, suo
gremio complexuq. fouit; firmos nunc & robustos, fir-
mata stirpe virtutis, ingemiscens quodam modo orat
suppliciter, ne se destituamus, ne antiquam imaginem
eius immutemus, ne senem iam & afflictam orbemus; au-
xilio nostro, cui nosmet debemus, nostraq. vniuersa, la-
bores, fructus, praemia, voluntates, ac nisi apud nos,
infrima, nisi per nos auctoritatem suam, hoc anno, his
diebus, vel salutem potius recuperarit; quid est praete-
rea quod sollicita, quod pendē desperata confugiat? huius
ergo tuendae & stabiliendae gratia, quae nobis non fuerit
ineunda ratio? cui nō ferro & morti obijciendum caput?
quem pudebit, cum bonis coire, non modo fortunarum,
verum etiam periculi societatem? hic explicandae vires
erunt ingenij, hic hostibus resistendum, hoc loco pruden-
tiae, eruditionisq. copiae omnes educendae, instruendae,
in aciem dirigendae sunt, saluam & liberam eam vt con-
seruemus: quam, turpissimi sint, qui perturbent; amen-
tissimi, qui oppugnent; ingratiissimi, qui relinquant. sed
redeo vnde abieram. non desunt nostris temporibus le-
ges, desunt mores: neq. adeo multis decretis indigemus,
sed praeclaris exemplis; ijsq. non vetustis, sed recenti-
bus; non alienis, & de historia sumptis, sed domesticis, no-
stris, & intimis; non fictis postremo & commentitijs, sed
viuis atq; praesentibus. Non aliunde vnquam, mihi mihi
credite, ordinandae duxerunt peritissimi quiq; exordij

Recip.

Reip. quàm à moderatore illius & custode: huic primas, huic secundas, huic tertias concesserunt. quid? referre ad statum quantum censeatis conservandum civitatis, Principis vitam & exemplar; cum Lycurgus vir sapientiae gloria excellens, voluntario exsilio suo, suam fore immortalē Lacedaemonem patriam iudicare? Amiserant Gallio tumultu Romani Urbem, ipsi Capitolium vix tenebant, ibi se aegrè sustentabant: ibi spes residebat omnis, quae supererat exigua salutaris, & libertatis. sed videte constantiam. quàmvis fame conficerentur; quàmvis extrema fortuna starent; quàmvis remp. desperassent; tamen arce retenta vna capitolina, facilè Urbem quoque postea, & imperium receperunt. conferte nunc, si liberent cum re, bellum cum pace, militarem administrationem cum urbana, & ea perpetua: haud secus restituerint collapsam morum disciplinam in integrum, qui principatum tulerint, si eorum constiterit in omni publico munere integritas, animusq. defixus in patriae charitate. amor enim acuit ingenium, memoriam exsuscitat, voluntatem facit alacriorem. quid? pisces non à capite putrescunt? non est, non est in civitate malum, quod non faciat dominus: habuitque passim veritatem hoc dictum; plura publicis rebus detrimenta gubernatores earum, quàm priuatos homines quoslibet, vel perditissimos, importasse. Sint ergo ij qui auctoritate praestiterint, soluti à cupiditatibus, liberi à delictis, quoad eius fieri potest: quos ipsos praeterea si temperati mores religiosiq. commendabunt, & perferentes iniuriarum, quae talium erit virorum elegantia vitae? qua vultus laetitia committent se in conspectum civium suorum? quàm explicata facie aspicient optimum quenque? quod illi animos mitigabunt? quàm multa iam mala depulerint? occulta sanauerint? nascentia opprefferint? diuulgata suspulerint? Deus immortalis, homo homini quantum praestat. ipsi etiam

etiam illi (inuac ita credere) qui lucem oderunt fulgo-
remq. virtutis; inuidia suffulti homines allicientur ad be-
nepoleptiam: habebunt namque in cognoscendis causis
personarum rationem; habebunt iustitiae; habebunt hu-
manitatis: cumq. legis virtus sit, iubere, vetare, permitte-
re, punire; amabunt in singulis quā moderationem;
quā decorum; iam si adhuc eis artibus instituti & disci-
plinis apparebunt, ut, cum de literis inciderit sermo;
non haereant, non rubeant, non auerſentur: tum pro-
fecto licebit & summis, & infimis; de talibus viris prae-
stantissima quaeque sibi & optatissima polliceri. O nos
tum autem faelices semel iterum atque saepius, cum hu-
iuscemodi magistros bene viuendi, & auctores praeceun-
tes conspiciemus: cum nihil praeceptores docebunt,
quod non fecerint; nihil fecerint, quod non & docere
libere audeant, & praedicare: cum aeternitatis viam or-
dine, vestigijs, & digitjs; non praeposterè communstra-
bunt. in magistratu illi quidem erunt; tamen eos non au-
dierit vt magistratus quisque nostrum, sed quasi rarissi-
mos & clarissimos patres; ac tanquam aliquos è caelo
demissos homines salutares coluerit & obseruarit. qua-
les; ita viuam, qui vellet pingere suis coloribus, suis li-
neamentis, iustissimè sibi hos proponeret honoratos
modestissimosq. viros, Patres nostros. enimvero pue-
ritiam ad pietatem instituent, quod faciunt, ad pudorem,
ad taciturnitatem. adolescentiam honestis occupationi-
bus, frugalitate, vigilijs, rectissimis literarum studijs; à
languore, à vino, à desidia, à flagitijs vindicabunt. qua
in exercitatione laudabitur interim illa varietas, si, cum
latine graeceq. sciant omnes; hic tamen praeceptis abun-
det institutisq. philosophiae, ille dicendi elegantia & co-
pia excellat; quiq. magnos habuerit progressus in iure
pontificio, superari se ab alio patiaturs libenti animo, re-
rum in explicatione caelestium: vt quaesita videatur in
re do-

re domestica temperantiae laus, in publica dignitatis.
omnino, aut ita faciendum est, aut ingenij fama abijcien-
da. at hoc displicet, quia turpe, quia sordidum, quia pe-
riculosum. igitur illud tueamur tutum, & honorificum,
nostris ut plurimis & varijs ornati prouideamus in lucem;
id quod per hos dies gloriosè factum animaduertimus.
quid? in naui idem ne curant omnes? nihil minus. hic
clauum tenet, ille contrahit vela, alius antheram iacit,
equidem; si nulli Romae opifices, praeter sutores, aut
textores reperirentur; omnes, arbitror, hanc urbem sibi
relinquendam putarent. haec si sensero, si videro venire
in consuetudinem, quae tamen magna ex parte sunt in
nostris bonis; tum vero iustam proponere mihi remp. in-
cipiam, quaeq. iam suis queat viribus, cum maximis &
nobilissimis, de virtute, de doctrina, de honore contem-
dere. pergamus ad reliqua. Viris viros praeficient. quos
istos? nostratem ne qualemcunque naturae voluntatiq.
nostrae obsequentem? an alium, constanter partem no-
stram & causam defendentem, aliquem? multis è ciuibz
probatos, ex probatis meliores & aptiores multitudinis
rationibus. quid? nos, cum nauigamus, charissimis uti-
mur gubernatoribus; an scientissimis? nemo iustius prae-
cipit aut rectius eo, qui diutissime obtemperauit, si paria
sint caetera. nam, & qui bene imperat, paruerit aliquan-
do oportet; & qui modeste paret, videtur, qui aliquan-
do imperare debeat, dignus esse. non solent magni du-
ces robur exercitus tyronibus committere, praeteritis
veteranis. quid ita? quia nemo rectè iudicat quod igno-
rat. eos perducent igitur ad honores, corroborata iam
partim qui sunt firmaq. aetate, partim etiam prouecta &
ingrauescente. nam, tum in primis homines iudicio va-
lent, memoria valent, consilio valent, usu rerum va-
lent; nimirum & vitae integritate valent, illi aestus mo-
uensq. animorum cum deferbuerunt concitatiores, qui-
bus

bus vehementissimis rapiuntur atque turbulentissimis adol-
scentes. adde, quod (id vero familiam ducit) mortis
propinqua metu, de relinquenda vitae dulcedine cogi-
tare necesse habent, de referendis rationibus, de suspen-
sa expectatione futurae conditionis. haec leuia videntur
& ludicra florenti aetati, ac penè ridicula: vel certè dif-
ferenda in longinquum tempus; puta in aduentum senec-
tutis. horum illa nihil metuit, nihil cogitat, nihil labo-
rat: quae sanos homines admodum conturbant, acriter
secum diuq. ac multum reputantes, quid nam sibi, quid
tandem futurum sit, extremis rerum suarum temporibus.
quod utinam ista subiret moriendi salutaris recordatio,
singulis minimùm diebus, cuiusque mentem: exstingue-
rent homines, exstinguerent paruo negotio, quibus fla-
grant vitiorum ardentes & funestas faces; quas inanis
laus ministrat, quas auaritia, quas libido. neque illi pro-
pulsarent iniurias, sed Christo illatas gaudentes condo-
narent, veteri more Apostolorum, notissimas & indignis-
simas: conideret simulatio, veritas respiraret: charitas
in gratia esset, in odio perfidia. quid odia? deponerent,
non saturarent. ceddò, quid voluptates? his quidem pe-
dissequis virtutum, non dominis vterentur. itaque, dum
caelesti neglecto, voluptarium nobis quoddam hic re-
gnum ipsi confingimus; ne utroque tandem exuamur,
venit in mentem grauiter extimescere. Nunc senectutem
intueamur: incommodum hospitium vero, atque odio-
sum humanae peregrinationis; vel diutinae verius infae-
licitatis, mea quidem sententia, luctuosum simulacrum.
qui enim locus praecipue videbatur quietem poscere &
otium, in eo quot clamores excitari solent? quot saeuis-
sima tempestates? quàm multae, & miserandae tragoe-
diae? ac proinde, quasi diuinarent nostrae voluntates
venturum malum, sic, pugnantes inter se, & senescere
nos optarent numquam, & longissimè tamen vitam pro-
ducere.

ducere. quid dicam, viri honestissimi, aut quid agam? deplem ne communem conditionem? augebo dolorem sine vlla spe, an statuam ante oculos vobis aetatis huius mala? at ipsi videtis miseriam. num remedia & consolationem adhibeam? vos pro vestra prudentia, quid factu opus sit, melius tenetis, vel potius optime omnium. vnum hoc attingam: quae de patientia, quae de misericordia, quae de mutuo amore, quae de charitate Christiana diceret homo eloquentissimus, paratusque multò idem antè ac meditatus; ea hunc in locum vniuersa conuenire. Ergo agite, ornatissimi P. respicite vltimum tempus: miseremini senectutis, mox futuri senes. extrema aetas, satis per se miserabilis, plena horroris, plena formidinis & suspicionis; ne irrideatur, ne in squallore sit, ne in solitudine, ne in sordibus, prouidete. Verum quid ago? non potest infinita rerum sylua breui orationis gyro concludi. vos, Patres, oro, quoniam principem creari, quàm nasci tantopere praestat, ideo quòd nascendi sit incerta ratio; deligendi libera & constans voluntas: vos, inquam, oro integerrimi P. & obtestor, quorum pater latissimè potestas, per fidem vestram atque famam, quam scio vobis vita esse ipsa potiore, incumbite diligenter in remp. & serio, cui nati, cui desponsi estis: eam vos totam in hac causa, his in comitijs tenetis, vos gubernatis. senectam fouete, regite iuuentutem, pueritiam erudite de continentia, de animi demissione, de mutuis officijs, de comprimenda lingua sit contentio, sit certamen inter nos, de ratione bene moriendi, de vita beata; de ingenuis artibus. sed virtutes, recordemur, sudore illas quidem scilicet; at non sudore tantum comparrari, speque laudis. male, hercule, pugnaretur, auditores, si praeter tubam & gloriam, aliud milites nihil inflammaret ad pugnam. quare, vigeant humanitate vestra literae, colantur, florescant, sint in pretio: magnam autem amplus
nidus.

nidus . redeat eodem itinere Canonorum illa peruetus
disciplina atque praeclara; & reuiuifcat memoria om-
nium faeculorum . si dialectici sumus , Christum , qui ve-
ra est via & veritas , peruestigemus . si philosophi , veram
philosophiam exerceamus , in mortis commentatione
multi sumus . si theologi , res diuinas imitatione perscrute-
mur , nempe ita viuendi caussa; non sciendi , & disputandi
tantum : malis bona , bonis meliora praeferaamus : volup-
tatibus , viro , nedum Christiano indignis repudiatis , ad
vltimum bonum , ad aeternas delicias , ad beatorum coc-
tum , ad Christum ipsum contendamus , in quo sunt om-
nium singula , & omnia singulorum . is , quia veritas est ,
non errat ; quia bonitas , non fallit ; quia virtus , omnia
potest ; quia charitas , omnia dabit . In eum casum dedu-
cti estis Patres , vt omnis existimationis vestrae status
praesenti horum comitiorum exitu contineatur . quo-
rum si iudicio , si opinioni congruerint quae restabunt ;
nonne sine metu cum honestate viuetis ? & in summo eri-
tis amore , summo cum imperio ? & nouo quodam gene-
re admirabilem in gloriam venietis ? Nec vero sum ne-
scius , homines ; nullo tempore defuisse , exultantes & fe-
roces , qui cuniculos agerent , qui pudoris claustra , qui
officij perfringerent . sed istorum tamen non erit difficile ,
vel sermones retundere , vel spiritus flectere , vel conatus
cohibere . quomodo probas ? quia robustis lacertis qui
sit & valentibus , is facile manus contorquet & digitos in
quamuis partem . quid ? vnius paena , quam saepe , quam
multi sanati sunt ? illud est caput , in eo tota vertitur caus-
sa , hoc fixo & statuto , eodem caetera inclinabunt : si , qui
alijs praefuerint , Deum curabunt , Deum timebunt , ni-
hil praeterea ; iidemq. ipsi traditae quibus fuerint habe-
nae , eas nimium neque remiserint , neque adduxerint .
omnino quatuor sunt , iudicio meo , quae praecipites fe-
rant principes , & magistratus ; nimia potentia , rerum co-

pia, improbi amici, satellites perniciosi. quid enim? illi
quorum sunt venenata & pestifera; si libet, licet? non haec,
quaeso, P. C. voces nunc primum exaudiantur odiosissi-
mae, & molestissimae in hac familia, quam viri prudentis-
simi nostri maiores, virtutis sedem, pietatis sacrarium,
bonorum omnium esse domicilium voluerunt. Quae cum
ita sint, facite, subductis rationibus, versemini in ea me-
ditatione; quid splendor hic vester & grauitas requirat,
quid hic motus temporum poscat, quid sit reliquae vitae
superiori vestrae consentaneum, quod denique, sera numi-
nis vindicta progrediatur. cum haec sunt videnda, tunc
vero illud magni est hominis, P. & futura iudicio praeci-
pientis, voluere cum animo suo rerum vicissitudinem hu-
manarum, praestantiumq. virorum ancipites casus redu-
cere in memoriam, & varios, & repentinos, & graues; a-
lienisq. malis; alienis miserijs quotidie fieri doctiorem;
quod est aliqua in parte numerandum faelicitatis: tum
proximè cogitare, nihil stabile re vera, vtile, gloriosum
dici posse, nisi vnde pareat iter, vnde sit ascensus ad caele-
stem ciuitatem, ad piorum concilium: reliqua orta occi-
dere, labi, euanescere omnia non aliter, ac magnam quan-
dam nubem, nunc lucem soli eripientem, mox extenuatam
è conspectu sese nostro sensim auferentem. Haec si colle-
geritis, si proferetis, si dabitur item in reliquum vestris ci-
uibus, municipibus vestris; ea dabitur, ea docebitur, quae
sunt hominum sensibus mirificè accomodata, salutem,
concordiam, dignitatem. Id quidem debemus summo
Pont. iam pridem: id illi tam gratum futurum est, quàm
quod gratissimum, qui, vt se totum contulerit, ad Urbem
& orbem instaurandum; ita est de hac priuatim familia
anxius, ita sollicitus, ita nostri cupidus, amans, studiosus;
quomodo si à nobis egressus, in illam supremam sedem
pontificiam peruenisset. & vercbimur, eius ne auxilium,
ne opem inuocemus frustra, ne elementiam? is, ne me
nobi-

nobilissimum velit, dubitabo, licet immerentem; cuius ex ore verbum nullum exeat, nisi cum mea laude coniunctum? cuius amoris, cuius paternae voluntatis existent vestigia recentia impressa, quo quo me vertam? qui, & nomen Sixti III. retulerit, centum post annos, & beneuolentiam, & consuetudinem eandem bene merendi? quid? hi nostri defensores, purpura fulgentes & sapientia, an non ad ea paratissimi futuri sunt repellenda, quae impendunt? quae timeantur? illi vero; sint quantumuis aspera, sint formidolosa: ita sunt nati, ita erga nos animati. neque eos, per hoc tempus quidquam puto cupere ardentius, nostrae huius societatis amplitudine, & diuturnitate. quam ipsam quod vnicè diligant, haec esse iccirco statuerunt, vt mihi persuadeo, Romana comitia, testimonium virtutis vestrae, honoris nostri; iudicij vero, defensionis, patrocini, vigilantiae suae. quibus, & praesentibus reliquis illustrissimis viris: tum caeteris omnibus doctrina, nobilitate, ingenio, grauitate praecellentibus, quorum in nos constant merita singularia, quas referemus gratias? vel quas agemus, aut quando? quo genere autem verborum? cum, ne habere tales quidem possimus, quales maximè & volumus, & debemus, mirificas & immortales? sed, qui alijs officiorum varietate & numero antecellunt, ratione quadam nunc magis exquisita & recondita praestantioris humanitatis, impetrabunt à se ipsis; vt, quod praestare factis non datur, nec spe teneri; id nos, minime dubitanter credant, inflammatos cupiditate, multis iam pridem votis, mensura cumulatissima reddidisse. Vos interea P. quid federis, tantam nacti facultatem? quid exspectatis amplius? an non plane iam cernitis, diuinà simul, & humana praesidia, nostram ad salutem omnia conspirasse? erigite animos P. patriae constantiam praestate, consulite paci, succurrite libertati. virtus non est bonorum imminuta:
sunt,

sunt, quos non videtis, in eadem reliqui ciues volunta-
te. cuncta pubes, ordines vniuersi ad remp. excitandam
hanc, conseruandamq. nostram, mente, voce, vultu con-
sentiunt. Christo conseruatori haec ædificata nauicula
est: iactari potest, fluctuare potest: interire, mergi, nau-
fragium facere, ipso regente, non potest: Deum nemo a-
mittit, nisi qui dimittit: quin, eo gubernante, his vigi-
lantibus, vobis multum in posterum prospicientibus, &
commota quae fuerant, vento reslante, residebunt; &
reuerſi antiquam in stationem virtutis & innocentiae,
prouehemur in portum laeti deinceps, ex longa nauiga-
tione, tutissimum & sanctissimum vitae stabilis, dulcissi-
mae vitae, vitae vitalis. Perficite igitur bene considera-
ta gerendi magistratus ratione, ornatissimi P. vt huius
nominis ac familiae dignitas, olim apud maiores nostros
quae fuit, innocentissimos viros, eximia; eadem his co-
mitijs, etsi longo interuallo, reuocata esse, magna sancti-
tate religionis; atque retenta: tum vestra item postea, &
spectata integritate, & excellenti sapientia, videatur.
Dixi.









